

ANIH BERHAD MEMPERTINGKATKAN PERSEDIAAN HADAPI LONJAKAN TRAFIK SEMPENA DEEPAVALI

Jangkaan Hampir Satu Juta Kenderaan Menghala Ke Pantai Timur

KUALA LUMPUR, 10 NOVEMBER 2023 – ANIH Berhad, pengendali Lebuhraya Kuala Lumpur – Karak (KLK) dan Lebuhraya Pantai Timur Fasa 1 (LPT1) mengeluarkan Cadangan Waktu Perjalanan (TTA) meliputi tempoh dari 10 sehingga 13 November 2023 bagi membantu pengguna jalanraya merancang perjalanan semasa cuti perayaan Deepavali.

ANIH menjangkakan sebanyak **692,000 kenderaan** akan menggunakan Lebuhraya KLK bagi tempoh tersebut, bersamaan peningkatan sebanyak **73% dari jumlah purata trafik harian biasa**. Selain itu, jangkaan jumlah aliran trafik di LPT1 pula dijangka sebanyak **284,000, bersamaan peningkatan peratusan sebanyak 58% dari jumlah aliran purata trafik harian biasa**. “Cuti perayaan yang bersambung dengan cuti hujung minggu ini pastinya dimanfaatkan untuk bercuti bersama keluarga dan rakan taulan dalam tempoh lebih lama. Oleh itu, saya menggalakkan semua yang akan menggunakan lebuhraya menghala ke Pantai Timur menjadikan TTA ini sebagai panduan, agar perjalanan lebih lancar dan selesa”, menurut Imran Gulcharan Abdullah, Ketua Pegawai Eksekutif ANIH Berhad.

Keutamaan dan tanggungjawab kami adalah untuk memastikan keselesaan, kemudahan dan keselamatan pengguna Lebuhraya lebih-lebih lagi ketika musim perayaan. Oleh yang demikian, ANIH Berhad telah membuat persediaan dengan **menambah bilangan kakitangan sokongan lebih 60 peratus**, yang terdiri daripada petugas plaza tol, pasukan LPT Ronda dan pasukan pusat kawalan trafik (TCC) sepanjang tempoh tersebut termasuk bersedia membuka laluan tambahan tol sekiranya perlu. Selain itu, seramai **150 anggota RELA** akan ditempatkan di kawasan-kawasan strategik di seluruh Lebuhraya bagi memastikan kelancaran trafik.

Seperti yang telah diumumkan oleh Kerajaan, tol percuma sempena perayaan Deepavali akan berkuat kuasa bermula pada pukul 12.01 tengah malam pada 11 November dan berakhir pada pukul 11.59 malam pada 12 November. Pengguna Lebuhraya KLK dan LPT1 diingatkan untuk mematuhi prosedur-prosedur berikut:

- 1) Para pengguna Touch ‘n Go diingatkan untuk teta menyentuh kad pada alat pengesan di lorong plaza tol.
- 2) Pengguna diingatkan untuk memastikan baki semua mod pilihan pembayaran mencukup.
- 3) Pastikan keluar lebuhraya pada hari dan tempoh waktu yang telah ditetapkan.

ANIH Berhad ingin mengingatkan para pengguna lebuhraya supaya memberi keutamaan kepada keselamatan diri sendiri serta pengguna lain dengan mengamalkan pemanduan berhemah. Gunakan Kawasan Rehat dan Rawat (R&R) atau hentian sebelah bila perlu. Patuhi tanda-tanda jalan, had laju dan arahan daripada pegawai lebuhraya bagi memastikan keselamatan dan keselesaan semua terjamin.

Bagi mendapatkan informasi tepat dan terkini, pengguna dinasihati untuk mengikuti akaun Facebook rasmi @Lebuhraya Pantai Timur dan akaun X @LPTtrafik serta Lembaga Lebuhraya Malaysia (LLM), @llmtrafik. Sekiranya berlaku kecemasan, hubungi LPT-Line di 1-700-818-700 atau talian Lembaga Lebuhraya Malaysia di 1800-88-7752.

Selamat Hari Deepavali kepada semua penganut agama Hindu dan juga rakan-rakan media yang meraikannya. "Pemanduan Selamat, Tanggungjawab Bersama."

-TAMAT-

ANIH BERHAD

ANIH Berhad adalah pemegang konsesi Lebuhraya Pantai Timur 1 (LPT1), yang mencakupi Lebuhraya Kuala Lumpur – Karak (KLK) dan Lebuhraya Pantai Timur Fasa 1 (LPT1). Merentasi jarak dari Gombak di KM 19.2 Lembah Klang hingga ke Jabor di KM 250.6 Terengganu. LPT1 memendekkan jarak perjalanan dari Lembah Klang ke bandar utama di sebelah Pantai Timur, khususnya Kuantan. Operasi dan penjagaan tol rangkaian lebuhraya ANIH Berhad dikendalikan oleh Kumpulan MTD.

Pertanyaan Media

Jabatan Komunikasi Korporat Kumpulan

communications@mtdgroup.com.my